

DEN AMBIENTE Pa: Poets

**ARUBA RECORDING
STUDIO CELBRANDO SU 15
AÑA CU OFERTANAN Y PRIJS
DI 15 AÑA PASA....**



**** Don Antonio Lacle, propietario di Aruba Recording Studio ta bek despues di un ausencia, anto cu un paquete atractivo en coneccion cu celebracion di 15 aña di su prestigioso studio.....**

** Na ocasion di celebracion di Aruba Recording Studio su 15 aña, henter e aña aki lo celebra esaki hunto cu e bandanan y artistanan local, cu un pakete sumamente special y atractivo.

E pakete ta encera prijsnan di 15 aña pasa riba produccion di C.D. y cassette. E oferta aki a inicia caba for di e prome pito di aña nobo.

mercado di entre otro; Claudius Philips (C.D.), King Computer (C.D.), Vicente Kelly (C.D.), E.Q.O. (C.D.), Taxx (C.D.), TIGO (C.D.) y tambe varios cancionnan promocional.

Pues artistanan y bandanan local, ata bo chens porfin pa realiza bo soño di por graba bo produccion den e prestigioso Aruba Recording Studio.....



Por bisa cu ya caba A.R.S. ta full den swing cu grabacionnan pa e temporada di carnaval. Dentro di poco por spera produccionnan riba

**** E popularisima bailarina cantante Francine Croes den pleno grabacion den Aruba Recording Studio pa su proyecto.....**

C.D. CARNAVALESCO DI FORMACION TAXX TA NA CAMINDA..

** Prome cu fin di luna di Januari, e produccion di Formacion Taxx lo ta riba mercado. Esaki a ser confirma pa e cantante/manager Errol de Freitas durante un

entrevista exclusivo.

Riba e C.D. aki lo bay aparece seis tema riba ritmo di soca y calypso. E produccion aki ta den man di e talentoso areglista/compositor Anthony Gario, kende ta un

super exito.

Segun Errol, piesanan sigur cu lo impacta lo ta "Wild Indian" y "A Bok's A Jouvert". Pero ta dificil pa pronostica, debi cu full e produccion ta fuerte.



**** Kevin James, Gario Anthony, Errol de Freitas di Formacion Taxx observando e soundengineer Michael Odor trahando riba e tema di carnaval pa muy pronto lanzar ariba mercado.....**



**** E aña aki e popular cantante y manager di Formacion Taxx Errol de Freitas lo baha pisa cu nan "Kimamento di Tire".....**

maestro riba e tereno aki.

Anthony Gario ta conoci pa su hitnan grandi man- e r a ; "Theolinda", "Fire-Water", "Tighter", "Roots", "Crutches", "Feel the base" y "You can't see" etc, c u a l n a n durante e ultimo 10 añanan a domina e paradanan di carnaval.

Awor e talent o s o areglista/compositor for- mandando parti di Formacion Taxx, tin e pleno confian- za cu e produc- cion aki lo bay ta un otro

Figuranan grandi cu ta forma parti di Taxx, ta e.o., Kevin James (The Baron) kende ta conoci pa su forma di canta y entretene, Bert Leest (Mr. Suave) e homber di poco palabra pero cu hopi expresion riba su piano, Clyde Burke (The Man of Steel) talentoso drummer kende recientemente a bin forma parti di Taxx, y tambe un cantante di sorpresa lo reforsa e grupo aki durante e temporada carnaval.

Pa loke por spera di Taxx durante e Roadmarch y Calypso Contest, e dos cantantenan Challenger y The Baron a declara cu e aña aki ta "kimamento di Tire" lo tin den stadion. Mientrastanto e "tuffguysnan" mester prepara nan gloffnan di boxeo y e hachanan, y e chicksnan brabo mester prepara nan pluma, ya cu e tribo di Taxx ta fuertisimo....